

La ARLeF a Gusti di Frontiera

Ai 27 e ai 28 di Setembar, distribuzion di materiâi informatîfs e presentazion dal libri: "E alore, frico!"

La Agenzie Regionâl pe Lenghe Furlane (ARLeF) e rinove, ancje par cheste edizion numar sedis, la sô presince a "**Gusti di Frontiera**", in graciis de **colaborazion cul Comun di Gurize**.

«Il turisim al è un setôr strategjic dal disvilup economic e sociâl dal teritori.» – al à vût dit il president de ARLeF Eros Cisilino – "La valorizazion de lenghe furlane te suaze di Gusti di Frontiera, une des manifestazions plui impuartantis de regjon a nivel turistic, e contribuîs a fânus cognossi e "ricognossi" tant che teritori speciâl e tratîf, che al pant valôrs impuartants come l'ambient, lis produzions di presi e la ospitalitât, ma ancje la sioretât plurilinguistiche, la storie e la culture».

Sabide ai 28 e domenie ai 29 di Setembar, la Agenzie e sarà presinte in place Sant Antoni, tal centri storic di Gurize, cuntun so stand là che a saran dâts fûr sore nuie tancj materiâi di informazion e ludics didatics pai fruts. Si podarà, cun di plui, vê indicazions sui servizis ufierts de Agenzie e cognossi i tancj struments informatics metûts a disposizion de ARLeF par scrivi, par comunicâ e par insegnâ in maniere corete cu la lenghe furlane.

Sabide ai 28 aes 17.00, dentri dal "Salotto del Gusto", pe prime volte a Gurize al sarà presentât il libri "E alore, frico!" (Editoriale Programma). *Un viaç dedicât a un dai plats simbul de cusine furlane: storie, curiositâts, contis, ricetis...* A intervegnin l'autôr Adriano Del Fabro; Eros Cisilino, president de ARLeF; Giuseppe Zof, produtôr di lat e formadi biologjic; Matteo Lovo, enolic.

Ce isal il frico? Isal stât pardabon Martino da Como, grant cogo dal patriarcje di Aquilee, a "inventâlu"? Cheste specialitât tradizional isse tipiche de Cjargne o di dut il Friûl? Di dulà vegnial il so non? Ce jentrie la "benedizion" di Sant Ermacure cul frico? Isal stât fat dut il pussibil par tutelâ cheste ricete uniche e invidiade di tancj, patrimoni antîc, storic e culturâl dal teritori furlan? A chestis e a tantis altris curiositâts e domandis al cîr di rispuindi l'Autôr di chest volum agjil cu la zonte di une desene di ricetis "origjinâls" (presentadis pe prime volte cuntune biele infografiche) parcè che il frico nol è dome formadi frit, ma ancje une vore di altri.

Udin, ai 24 di Setembar dal 2019

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<